


صيد وجنية

سيد حجاب




أشهاد
بالعامة
المصرية





الغلاف والرسوم للفنان
عدي رزق الله




صيد و جنية

سيد حجاب

أشعار
بالعاسية
المصرية



١٧٣٩٨١/٥



بلدنا
بحيرة ومدينة
وآلام عددنا
وأحلام تزيد عن عددنا









ابن بحر

أنا ابن بحر ..
لمين بحر . لمين بحر
لمين النسيم اللي رضع ..
من السما ..
رضع حليب النجمة .. حنية وفجر
وبعدها جه واترى
فى حضن أبويا .. وأمى ..
واخواتى السكتار
خلانا نفهم بالومنا

خلى خيالنا يمد لايده ..
يطول شماريخ السما
وحق .. لو حببت أقول :
إن النجوم في المية عايمة ..
.. مسهمة
وإن خطوة ناس بلدنا الطيبين ..
.. متفهمة
ولأنهم .. كلة محبه .. في الهدوم
.. متقسمة
ومهما أقول
ما ينتهى لى بحر قول
دا البحر جنبى .. لو أمد لايديا اطول
شموس كثير
شموس أصيل
البحر يومائى بتنعس شمس فيه
أقدر أجيب الشمس ..

.. نعضانه ..
 .. تمليني الكلام
 كلام بيتهنفس سلام
 وعرايس البحر ف بلدنا ..
 كئثار .. كئثار
 وف قلب كل عروسه منهم ..
 .. بحر شعر مالوش قرار
 دا عرايس البحر ف بلدنا ...
 .. اخوات عرايس الشعر .
 .. واخوات القمر ..
 واخواتي ..
 .. واخوات ناسي واخواتي الكئثار

...

أنا ابن بحر ..
 ابن بحر .. ابن بحر ..

وزى ما يلف الحنش
كل البحور
ويدور مع ايام الشهور
ويدور مع شهور السنين .
وبعدها يرجع على موجة حنين
زى الحنش ما يلف .. اغيت ..
.. زى ما يرجع رجعت .
دقت الحياه جمعت وشبعمت
دوامه شدتنى ..
.. مع الدوامه ضعت
ونزفت دم الفرحه فوق طين الزمن
ورجعت فوق كتفى السكفن
علشان أموت
فى وسط ناسى الطيبين

أول ما دقيت باب بلدنا بلهفتي
لقيت أخويا .. مُصغرا الغيط اسماعين
نايم في جوف جلابتي
أهو .. فزّ م النوم .. انفزع
واخذني في أحضان الحنين
قلبي اتزع
ساعة ما شفته بدراعيه ..
.. مفرودين زى الصليب
يا مصغرا الغيط ..
.. آه يا ولداه انفصلت

من قبل ما نعرف حياة الطفل

.. شبت

حولت عيني عنه ..

.. حسيت بالدموع

في حلق أبويا وأمي ..

.. واخواتي السكتار

حسيت في حلق قطار نار

بهيت من الشباك هناك

بهيت لباقي الناس ..

.. اقيتهم في الطريق متشـنقين

حوالين رقابهم شباك

وبرضه ماشيين مـيتين

حولت عيني للسما

يا ميت ندامه ..

.. دى السما متافمه

بنجوم كثير

عيون عيون
صفرا بتضحك للعمى .

١٩٦١



لبن العصفور

ياطبق بنور
في السما بيدور
خدني على جناحك ..
.. وريني حلقات النور
ويرد الريح مسعور
» لبن العصفور ١١
لبن العصفور ١١
لبن العصفور ١١

في بلدنا اللي بتنعس ..
.. م المغرب حواريها
وتهمر ربح
أحزان الناس فيها
نعست فوا نيس الجاز
تحت المركب ..
.. نعس الموج الهزاز
نحمت أنفاس الريح ..
.. فوق المركب
قلعي اتصلب
يا بلدنا يا بذت الإيه ..
.. يا بلدنا يا بذت الإيه
يا ما نفسي أبوسك ..
.. أعضك ..
.. أدا ديكي
أحلب لك بقرة أحلامى ..
وأغديكي
لكن لاولاد في البيت جمانين

حلبوا أحلامى الصبحيه
أصحابى المبتسمين فى العطين
حلبوا الأحلام الضميره
ما بيدى يا بلدنا
غير لى ابوسك اعضك أدايكى
وأشد شعورك ..
.. من حبي وقلة حيلتى
شعرك يا بلدنا مجمد ..
.. زى حياتى ف حواريكى
يا بلدنا يا بلدنا
يا ام العشرين مدنه

يا طبق بنور
في السما بيدور
خذني على جناحك ..
.. وريني حلقات النور

* * *

في بحيرتنا المليانه بحيرتنا
بتنوح ريح .. يادى الصرخه
كنا كتمناها في صدورنا
لما انقطعت تحت حملهم ضهورنا
يا بحيره يا بنت الإيه


يا بحيره يا بنت الإيه
يا ما نفسي ابوسك ..
.. اعضك ..

أداد بيكي
سمكه حبلي وارمي فيميكي
اسكن لاولاد في البيت جمانين
واحننا راجعين بتلات سمكات
لا البركه تزودهم سمكه
ولا لهمه يكفوا الاولاد
ما بيدى يا بحيرتى يا حيلتى ..
.. يا دموع فدادين

غير انى أبوسك اعضك أدايكى
واضرب بدراع مجدافى موجك ..
.. ألاغيكى
موجك يا بحيره جمود ..
.. زى حياتى وسطيكى
يا طبق بنور
فى السما بيدور
خذنى على جناحك ..
وربنى حلماات النور

الشبكة بتقطر ميه بطعم الدمع
الشارع ريح تلسع
نعمت فوانيس الجاز
تحت المركب نعمس الموج الهزاز
نعمت خطا وينا وسط عزاز
وطبق بنور
في السما بيدور
يا قر لا تاخذني على جناحك ..
ولا توريني حلمات النور
بس تعالى ..
فوت من شباكي وتعالى ..
شوف الحاله
وابدر في عز الضلمه النور
النور .. النور

١٩٦٢



فيروز

فيروز . . أيا فيروز
يا جزيرة المرجان والفيروز
لو إن بحر الشوق له طيرة
لا كون أنا . .
... طير بحر أشواق
اضرب جناح في الموج . .
. . في موج الشوق
وجناح يلالى . . في العلالى . .
. . فوق

* * *

الليل على مديان حويطة انفرش
 الليل . . بضافر قسيوته . .
 ف قلبي هبش
 نفسي اتركش
 وكل شيء في الدنيا كدش
 حتى الوليد . .
 . . في بطن أمه يبتكمش
 ومن بعيد . .
 صوتك ضفيرة حرير
 يفرش سلاّم فوق حيّطان البير
 والبير قرار اسود
 . . وانا طالع
 طالع على سلم حرير طالع
 والريح صرخة خوف
 لكن ما نيش سامع
 غير صرخة الفجر الوليد النور
 في صوتك الطيب . .
 يا بنت النور


جدى انقتل . .
 الريح بلع صوته
 كراباج افندينا سقاء مونتّه
 أختى وباما ليّا من إخوات
 فوق جسمها . .
 . . قطر المقاساه فات
 عيل . . وعيل . . نزلوا كالاموات
 من بطنها اتولدوا كما الاموات
 اموات السكين . .
 . . بيطون بتستنظر
 وقلوب بتعور
 وعيون بتصرخ صرخة مقلوبة
 (وسعيد أبو مهران) بيتعذب
 ناب العذاب فايت فى أعصابه
 قاسى كثير
 لا كين ليه نابه
 الأرض لسه بتطرح الجنضل
 قلبه بيصرخ صرخة مقلوبة

واننى كبا نك يا فراشة منقطة بهمى
 بتدورى وسط الريح وبتلى
 كل الصريخ اللى انتقل فى الريح
 وتلونيـه . .
 . . بعيون بتعرف معنة التباريح
 يا حنيـفه
 يا ام الغنا تفاريح

* * *

كما عروسة البحر تغسل شعرها فى الضى
 وتنطوره فى الريح وتبسم
 كما عروسة البحر أحلامنا
 لما بنسمع صوتك الطيب بيتنسم
 صوتك يا بنت الناس
 . . ضفيرة حرير
 يفرش سلام فوق حيطان البير
 والبير قرار اسود وانا طالع
 طالع على سلم حرير طالع

١٩٦١



حبة سمك

الليل خراب
 عفاريت رباح سود تسكنه
 تنعق ولا مليون غراب
 وتشق قلبي ترعبه .. وتجننه
 وتشق بطن الميه ..

.. وتطلع لي موج
يضرب بيده مركبي
يا مركبي
سميت عليكى ..
باسم حاميكي النبي
ضميت قلوئك يا عروسة البحر ..
.. يا أمّا يا .. وآبا يا
حلقت قلبك تثبتي في مطر حلك
وتسكتي صارى بيتايل ورايا

* * *

أنا نص قلبي في البحيرة ..
.. ونص قلبي في البلد
ويا البنييه والولد
وف قلبي ، يا ما ف قلبي ، حواديت تنسرد
يا ريت عروسة البحر ..
.. ترمي نفسها وسط الشبك

وتقول : (أديني حيث
 يا شاطر شدني
 قلبي انشباك)
 لو جيتني ..
 ح اعمل روصي تهت ف بحرها
 وأمد إيد حنية وافتح قلبها
 وآخذ في قلبي سرها ..
 أعرف متين
 سكة بلادها وقصرها
 وهناك يا بوى أحسن سمك
 وح اقول لها ..
 ترجع لناسها وأهلها
 دنا قلبي مشغول ..
 .. بس انا برضك صديق
 ونص قلبي في البحيرة ..
 ونص قلبي في البلد
 ويا البنيه والولد
 ..

قلبي سرح
 ويا الشبك لما انطرح
 والنجم وسط الريح ..
 .. يشاورع الطريق
 زى الصديق
 ياريت يا نجم السكة ..
 .. تصبح بجناحين
 ونطير .. نطير .. ما عرفش فين
 لكن نطير
 وناخدنى وياك فى بحور
 غير دى البحور
 النجم داب
 داب فى شجن ملوم سحاب
 قلبي رجف
 لحن الأمل هدا ووقف
 شديت حبالك يا شبك
 ما طالعش غير حبة سمك
 حبة سمك .. والليل خراب



صياد وجنية

مين دى اللى ماشيه ع الشطوط بتنوح ١-٩

مين دى يار جاله ١٩

أم الشعور

محلولة لكهوبها

أم القدم حافية .. وعمالة ..

ينقل تراب الشط ديل توبها

مين دى ١٩ .

.. أهيه قربت .. آها . ١١ .

أيوه عرفتك آه .. يا جنية

.. . .

صياد أنا والبحر يعرفنى

مهما يصرخ لم يخوفنى

عارفه .. دا ابويا ..

وخطوته فى الخيرو مرجوعه

ليا .. بايد حنيه ..

.. ويطبطب على قلوبى

مرجوع ابويا ليا ..

.. وأنا لآبا مرجوعى

صياد أنا ..

صياد أنا والبحر فى ضلوعى

والموجه ناي ..

فى الليل يونسى

وناس يا ناي الموج .. يا أناته

سمعى عن بحرى ..

.. وغنى لى حكاياته

.....

— الشاب كحب .. وغاوى جنييه

طرح الشبك بالليل .. طلعت له

بعيون ملاليه

بجفون هلاليه

بكفوف محنيه

رُقصت على فلوكته وغنت له
دندن بمجدافه على المياه
شاف النجوم . .
لعنيه مطاطيه
فى البحر مدت يد . . وادت له
بالقلب ودت له
بالشفه مدت له
الخير بايدها الحلوة وادت له
شدت له من خير القرار يا ما
اسكن يا عين . . الدنيا دوامه
ماندومش اسكن دايره دوامه
حساده عرفوا قصته . .
. . تبعوه
طلعوا له نص الليل عفاريت ايل
زى السواحلية هدومهم سود
سودا هدومهم . . والقلوب سودا



وعيون بنادقهم كما قلب الحسود سودا
 صابوه عداه
 خرم الرصاص ضهره
 عين القمر بالغيمة مسدودة
 جنينه ف حوضه وجروحه في ظهره
 الدم آهه حمرا ممدوده
 الدم سال ..
 الشاب عمره سال
 جنينه تفعل جروحه بحبها .. بالشال
 وجروحه في ظهره
 بقشُر عمر لحد ما طول العذاب قهره
 وف ننى عينه كله .. ما يتنقال
 .. عشا نكم اتم يا حبايبي أمو ..
 وبقيت حروف الكلمة يتقطموا
 جنينه فرشت شعور طوال
 ع الجته ..



.. واثرجت لاله البحر ..
 .. صلت له
 علشان تموت مثله
 علشان يعود الشاب للدنيا ..
 .. علشانكم انتم يا حبايبي اموت
 جنية البحر الغريق صلت
 سنه .. ولا كلت
 والجنه متغطيه بشعورها وبدموعها ..
 .. وصفار الموت
 سنه .. واخرتها
 خدته بلادها ونيمت جسده
 فوق مرتبتها .. فوق محبتها
 وخذت دراعه لاهله في بلده
 قالت لهم
 .. (خطوا دراع الشاب فوق الباب




لجل الندوله بعملوا له حساب)

من يومها . .
.. والجنه ماشيه ع الشطوط بتنوح
ماشيه بشعور
محلولة لكعوبها
ماشيه بقدم حافيه وعماله
ينقل تراب الشط ديل توبها
تسمع حكاوى البحر وتشوفها
وتروح نقولها ليلاني لحبيبها
وحبيبها نايم .. فى سريرها قنيل
وسمعتهم بيقولوا فى بلدنا
دى مخلفه منه
رجالها بعددنا

١٩٦١





جبال المغماطيس

(١)

في معاده .. عدى ع البلد
في معاده مرساته اترمت
بكل غلته ..
.. حطها .. في شطنا ..
ومال قعد
في معاده بالطيط اتفرد
في معاده .. لكن ..

لييه أنا ..
 واصحابي حسينا بانه جانا ..
 من قبل الميعاد ؟
 يمكن عشان مرساته عون ا
 وليها ميات م القرون
 وكل قرن ف عين ولد
 آه يا بلدنا .. يا بلدنا .. يا بلد
 يا ضهر ممزوق انجلد ..
 لك روح نبي
 والوف من المقاتيل جسد

(٢)

يا اصحابي عجزنا كده ..
 .. قبل الميعاد ا
 يا اصحابي ما تبكوش على كتوفي ..
 .. بأقول
 أنا عمرى ما كنتش جمل صلب ..
 .. اسمعوا
 أنا ما كنتش يوم شيال المحول
 اتعنموا
 وسمعوا لى ف صدركم ..

حته عليها انحنى
 واقول كلام بهزنى
 بيغلى جوايا و نفسى اطلعه . . .
 يا اصحابى لا . . ما تسمعوش . .
 ليا انا
 داحنا يادوبك كل واحد مننا
 بيقول كلامه . .
 . . وهوه برضك يسمعه
 يا اصحابى آه . . حتى الجبل
 . . بما حمل
 ميل ونخ

(٣)

جدى ما كان جندى . .
 ونيتقى بنت مصر
 ولا جد جندى . .
 . . كان من الغمز المماليك ابن قصر
 حتى ابني . .
 . . وابني فى بطون الغيب جنين
 باشم فيه ريمحك يا مصر

رجايا متحنية بالطين . .

. . مصر طين

لكن باحس إني غريب

أى بخير . . وآبا بخير

لكن باحس إني أنا . .

سعد اليتيم

جوايا عبد الله النديم

لكن ما انيش قادر أقول ...

... زيك يا عبد الله النديم

هات يا شعاع الشمس إيدك . .

إيدى اهى

دنا شوقى لك ما ينتهى

عقل مشاورلى عليك

لكن ياسلم فرحى فين هيا ايديك

(٤)

اخواتى فى بلدى . .

وانا هنا فى المدينه

اخواتى واقفين ع البحيرة بالشبك
 بيغنوا غنوه زى اشواقى حزينه
 (فيه صحن دقيق فى البحر غريق
 إن كنت جرى انزل هاته)
 يامين يضحك غنوة الشوق الحزينة !!
 يا اخواتى . . حتى فى المدينه
 طين البحيرة لحد باطلى . . .
 ... صدقوا !
 ع الزند دقيت وشم سمكه . .
 ... دققوا
 ع البعد شفت عيون عيون ملو الشبك
 بيضيقوا .. وبيضيقوا
 يا اخواتى .. وانا هنا فى المدينه ..
 .. قلبي وياكم هناك
 يا اصغر اخواتى أنا سامع غناك
 وباغنى زيك للقمر
 (يا طبق بنسور فى السما بيدور
 فوت مره وزور قلبي المسكسور)

(٥)

يا اصحابي ما تبصوش كده

نظرة عينيكم ..

.. ليه ما هيش متحدده

يا هلترى

أنا نظرتي متبعتره

وخطوتي في دروبي برضه ..

.. زى خطاويكوف دروبكو .. بحر جرة

وايد يا ممدوده لفوق

ولا تلاقوها مددلة لحد القدم

يا اصحابي .. ولا تستغربوا ..

دنا كلي شوق

شوقى سؤال

سؤالى ليد بتدق باب

وكلام أبادى تدق باب بلا جواب

أقربها من قيمة يومين

دقيقت على باب الحبيب

واهو بعد ما الباب يفتح

رجلياً عارفه سكتى
وف قلبى عصفورى الحبيبي غنوة
الباب فضل مقفول وعصفورى اندبح

(٦)

يا اصحابى عطشان ..
.. للصبا يا .. للقمر
عطشان لوشوشة العصور ..
جوه فى أعصاب الشجر
ليبيضه حبل تنقر
عطشانة كفى تحلب الخير م البقر
عطشانة عيني لآى منظر ينظر
عطشان يا جسمى لرقصة فوق دف الغجر
عايز أحس بانى فوق موجك يا نيل
بارقص .. بيرعشنى الفرح
وبعد رعدة رقصة اللذه انطرح
... زى القتل
وحبيبتى صوتها يرعش النسمة ..

... حواليه .. هديل
لكن دنا في كل شهر
في عزوقي مية كل بحر
وف قلبي بتموت ..
.. ميت فلوكه بميت أمل
ولساني متشقق ..
.. ومشتاق للبلبل
وفين كتاب النيل (باذات الهمة) فين ؟
النيل قراره اتشق ..
.. واتشقيت أنا
طعم الحنين مر ولساني ..
.. فيه حنين
فينك يا (ذات الهمة) فين ؟ !

(٧)

.. يا سنده باد .. يا سنده باد

خندق لبلاد غير دى البلاد

لزمان خلاف ده ..

ولعباد غير دى العباد

السنده باد

طبيب على قلبى بعينونه الطيبين

وقال لى باسانه الحميمين ..

كلمتين

— (خليك هنا وحاسب ..

.. جبال المنعمطين

خليك شديد ..

.. مهمما يكون الليل غطيس)

يا اصحابي صدري بيئته نظر كو
نهنهوا . .

ووسعهوا الى ف صدر كم
حته حنان

يا اصحابي لا . . ما تنهنهوش
مهما تكون الضربة عون
وايها ميات م القرون
وكل قرن ف عين ولد

الوصية -


ولما أموت
لومت ع السرير ابقوا احرقوا الجسد
ونظوروا رمادى ع البيوت
شويه لبيوت البلد
وشويه ترموهم على (تانيس)
وشويه حطوهم فى إيد ولد
ولد أكون (بُسْتِيَه) .. ولا اعرفوش
ولو أموت ..
قتيل - وانا من فتحة الهويس بافوت -
ابقوا اعملوا من الدما حننه
وحنوا بها كغوف عريس
وهلال على مدنه
ونقرشوا بدى
- على حيطان بنت نوبى تحت النيل -
إسمى

١٩٦٣

غنا

ودى أغنى لنجمة الفجر به
وابنت حلوه شفتها ف (برقاش)
وللفانوس لما رقص ع الميه
ولكلمه حلوه ف بالى ولا قلهاش
وللسرايا ام اربعين سلم
وللقهاوى والشيلان والشاش
ولضحكة الديناميت مع الفعله
لما الجبل طاطا لواد ما طاطاش
ولرقصة السندان والعنله
ولفرحة الفلاح بالغله
ودى أغنى لابنى لسكنى ..
أوان غنايا ما جاش

في المحزنة



يا شمس حلى شعورك السود .. حلى
 مطرح ما اكون الآهه - آه - بتحلى
 يا شمس حلى شعورك التناوبى
 مطرح ما اكون الآهه ملو الريح
 والاصطبار على كل دار متدلى
 يا شمس حلى شعورك المعقوده
 مطرح ما اكون الآهه - آه - بمدوده
 والله انحر منام السجر والضل^ط

آه يا الفتيل فى البحر
 راجع ودمك دمعين ع الضهر
 دمعت على عمرك دموع حمرا
 آه يا حول الصبر
 الولد راجع نظر تينه قهر
 بشفايفه مقفولين لسكين شعرا
 بشفايفه مقفولين لسكين بيقولوا
 راجع وانا مقتول امهه يا بلدنا
 من فيكى رح ياخذ بتار مقتوله
 يا مرخرخين العين فى ضل المدنه
 مين فيكو .. مين فيكو ١٢

والنعش ما يبل والبُغَيَّ صغار
ماله ولد لجلن يقيم نعشه
والسكة صيف وغبار
والقبر مستنى بضلام فارشه
النعش ما يبل والقتيل فانه
ومشى ف معز يذنه لم لمحوه
ميئل على مراته
وقال لها على لاسم مين غدروه
يا ميت الندامه الشاب مال له اخوات
آهين على صوتها يحجب سموات
(داخل على قبر اتفرش بالرملة
وبومة الشوم فوق سطوحنا طاله
داخل قبر اتفرش بالاضلّة
وبومة الشوم فوق سطوحنا حايمة
يا ريت عدا نا طخرا عمرى قبيله)

يا راجل العيله
 فابت مراتك عايشه وقتيله
 مقتولة زى الناس مام مقتلى
 ناسك بلا حيله
 ومرانك الزين بطنها ثقيله
 ومسندينها أهلها الأصلا
 ومسندينها أهلها وبيقولوا
 مين فين يا غلابا يقوت لبنا ؟
 مين فينا راح ياخذ بتار مقتوله
 ويقلع الحزناته طرحة حزنها
 مين فينا . . مين فينا ؟

والنمش على شياله تاكى ايديه
 وكثاف صحابه نخوا بسبابيه
 والبحر باكى عليه

والقبر مستنبيه .. فتح عبه
 النعش على شياهه تاكى تقيل
 وقتيله فاته ومال على اخواله
 ونطق بغم قتيل
 انتهوا .. لما عرفوا قتاله
 ياميت ندامه الشاب ما له اخوات
 آهين صريخ اخواله للسموات
 (حطوا الطافية بشاله فى ابادينا
 لجلن نحوش بها الدموع فى عينينا
 حطوا الطافيه بشاله فى مندرته
 لجلن نحوش بها الدموع على سيرته
 م البحر اهو معاود وشق علينا)

* * *

م البحر اهو معاود
 وكأنه شموسه بجناح فارد
 متعانى ع السكه وعينيه قايدة
 وكأنه ما اتساخد

سَلِّمْ عَلَى مِين فِي الْعِزِّ قَاعِد
 سَلِّمْ عَلَى الْقَاعِدِينَ بِأَيْدِ جَامِدِه
 سَلِّمْ عَلَى الْقَاعِدِينَ وَوَقِفُوا فِ طَوْلِه
 — مِين فَيَكُوْخ بِضَايِفِ جَسَدِ بِلَا قَبْرِه
 مِين فَيَكُوْخ يَتَاوَى جَسَدِ مَقْتُولِه
 لِحَدِّ صَاحِبِ الْأَمْرِ مَا يَقُولُ أَمْرَه
 مِين فَيَكُوْ رَاحَ يَأْخُذُ بِنَارِ مَقْتُولِه ؟
 مِين فَيَسْكُو . مِين فَيَسْكُو ؟

فِي الْمَحْزَنَةِ سَكَنُوا الْمَعْرِيْنَ
 إِلَّا عَيْنَيْنِ .. نَظَرْتُمَا بِتَحَبُّبٍ
 الْخَلْقَ رَاخِيَهُ الْعَيْنِ
 وَاللَّيْ اتَّقَتِ صَوْتَهُ بِتَشَنُّدٍ
 فِي الْمَحْزَنَةِ . قَتَلْتُمَا لَهُ جَارَ مَنْتَه
 نَظَرَةً عَيْنُونَهُ تَحَبُّبٍ الْهَيْلِ
 وَالنَّاسَ يَسْتَنْوَا

والصارى حزنان غ البحور مـيّل
يا ميت ندامه الشاب ما له اخوات
آهين صريخ الصارى للسّموات
(يا ميه دارى القُصه يا دى العميه
وحشّى موجك راجلنا ف غيبه
يا ميه دارى مُقصتك يا ميه
وحشّى البياضه والبلطمه
دى العيشه من بعد الحليوه صعيبه)

. . .

آه يا عروسه البحر
صاحبك حبيبك وانقتل من شهر
لإزاي على غيبه القمر صابره ؟
- صابره ١١ وآه م الصبر
الشهر شد ثلاث سنين كالدهر
والناس فى توب القهر ما بتبرا
والناس فى توب القهر ما يقولوا
يا عروسه آه لو ينطقوا بمعرفتك

ابن القتيل ياخذ بشار مقتوله
ويحط لك نجم السما في مغرفتك
يا عروسه هاوديني . يا عالم قولوا
مين فيكو .. مين فيكو ١٩

وبيوت بلدنا في المسا حيلي
في حشاها ناسها عشار بهوايل
راسهم على القبله
خايفين من المقتول وم القاتل
وابن القتيل مصلوب كما الجنى
بيفوت من شباك ورا شباك
ولسانه متحنى
بكلمه يرمها هنا وهناك
يا ميت نداهه الابن صوته حبال
رجعت وما شدت له رد سوال
(ماتعرفيش مين طخ ابوى يا صييه ؟
مين قاتل الشموسه في البدرية ١٩
ما تعرفيش مين اللى طخ ابويا ؟

واتى اجيب لك مندلين بأويه
واجوزك لواد زنوده عفيه)

يا مئينه يا طويله
الابن من غير ناسه بلا حيله
وناسه عارفين إنما بختلا
مستنظر القوله
والقوله تحت الشقه محموله
ح تنط لسن خايغه م القتله
ح تنط لسن خايغه .. آه من خوفها
آه يا شفاهف الخلاق قولوا
خايغه عيون قتال قتيلها تشوفها
يا شفاهف الخلق ينطق قسوله
يا شفاهف مزموه

والريح على موج البحور زوَّح
مطرح ما صاحبه زمان نقل قدمه
واف واسوح

وخطتى مطرح ما العيار عدمه
 سَتَفَى عَلَى النَّاسِ الْعَفَارُ وَالضَّلَامُ
 وَجَمَعُوا الْمَرَاكِبِيهَ بَايْدِينَ فَاضِيَيْنِ
 وَنَقَلَ بَنَاتِي الْحَمَامُ
 مِنْ عِصْوَارَى وَحَطَّ غُرَبَانُ بَيْنَ
 وَالْإِبْنِ جَارِ كُلِّ الْبَيْوتِ قَسْوَالُ
 مَا حُدَّ بِبِشَاوَرٍ عَلَى الْقَتَّالِ
 (يَا رِيحُ يَا قَاضِي مَيْنِ خَصِيمِي قُولِي
 وَأَنَا أَجِيبُهُ لَوْ فِي بَطْنِ بَيْرِ الْغُولِ
 يَا رِيحُ يَا قَاضِي دَاوُوبَا وَأَنَا عِيَا لَهُ
 أَنَا الَّتِي آخُذُ نَارَةً مِنْ قَتَّالِهِ
 دَا الْتَارُ سَرِيرِي وَمَحْمَلِي وَمَحْمُولِي)

...

وَلَا فَايْدَهُ وَلَا فَايْدَهُ
 الصَّرْخَةُ فِي حَيْطَانِ الْبَيْوتِ لَا يَنْدُهُ
 قَتَصْدُ لَكِنْ لَمْ تَعُودَ بِالرَّدِ
 يَا صَرْخُهُ يَا مَعَاوِدَهُ

على كل فرشه وسر ومخده
 اتمددي ماتر حميشى حد
 اتمددي وماتر حميشى المرعوبين
 خلى اللى عارفين بالحقيقة يقولوا
 دق . . ودق زى بوابير الطاحين
 يا خلق خلوا الخلق ينطق قوله
 من شفقه مز مومة

. . .


ولا حد قال . . وعيون مرخيّة
 وكثاف بتقل العيبه تخنيّين
 وزنود مدالية
 والباط ملّيط بالعرق والطين
 ولا حد قال وعيال فى الحاره
 يا دوب مغمورهم فى الكلام سائمين
 والسكلمة قدّاره
 من شفقه نطت فى ودان الزين
 ياميت حلاوه التار ساعاته جات
 وابن القليل زأطط . . لسكين بسكات

(يا عروسة حلى ضفائرك العسلية
وزوفاى البياضة والبلطية
والنار مخطينا بعقود الفل)

. . .

يا خلق قُروا قولوا . . قروا قولوا
خلوا القنيل يرجع ويصلب طواه
ويعلق القناديل على دارِ خلى

يناير ١٩٦٢



المشئقة أمك أبوك خلفتك
المشئقة صاحبك

مين اللي قال :

— الموت بيوت الراحة ا ا

يا قلبي يا بو جراحات

المشئقة لافيت عليك . . لفيـتـك

يا مقصقص الجناحات

لفرد جناحانك وقول كلمتك

. . .

ناعسة . . ولغّت في البراري كثير
 الهوى حماها بعرق في الهجير
 الهوى لهلها بكرابيج زمهرير
 سنووات ..
 . . وناعسة في البراري غزال
 كمويها في الأول ..
 . . كمثل الحرير
 كمويها في آخر الطريق المرير
 خشاني .. متشققه
 الدنيا بانّت في عيونها الواسعة ...
 . . كيف .. ضيقة ا
 لـسكنها
 والزلة فركة قدم
 ماسلتش عنقها لمشنقه
 وفقت في وش المشنقه مبوأة

عودها انصلب ..
عود مشنقتها انحنى
حبل المشانق حبّ فوق القدم
وكرامة للقلب اللى داق وانحنى
لعيون غزال ..
متكحلين بالآلم
أيوب حيا
أيوب أبو الميت عيا
آهين يا قلبي المبتلى المبتلى
ياللى انت لا ناعسة ولا أيوب
المشقة أمك أبوك خلفتك
المشقة صاحبتك

. . .

يا مين يبيع الورد ع الميتين
الجسم قبر ..
. . الوش شاهد رخام

القلب كان ابن طين
رجع وغاب في الطين وسفّ السخام
يا قلبي يا مقتول
قتلت أبوك الحب في اسطنبول
في مصر شلت النعش فوق السكتوف
ودفنت راسك ..

.. بين بزاز مومس
عرق فوق جنتها أحزانك
عرق فين ما عرقوا أخوانك
قتلت أبوك ..

- ما قتلتهوش .. انقتل
يا مين يبيع الورد ع الميتين
مقتول ومدفون في التراب والبلل
مقتول وكان طول عمره منهصاب علىل
معلول ومفلول وف لإيديه الشلل
يا مين يبيع الورد ع الميتين !!

. . .

المشئقة ..

يوم بعد يوم بعد يوم
تتلف حواليه كمثل الهموم
تجبل غيوم ع القمر
تملا الطريق خلفتها ..
غربان .. وبوم

- (وتاجرت في البهارات ..

.. أبيع واشترى ..

يمكن في آخر اليوم ..

.. يتاوينى نوم

ما تاوتنى غير المشئقة العبرى)

- (وصاحبت شئ مكتوب عشان يتقرى

- يمكن في آخر اليوم ..

.. يتاوينى نوم

ما شفت غير المشئقة الضميمة

ع الحيطه متسلقه

م السقف نازلة لعنق متزلقه)

أنا قلبنى قش ..

وكشّ قنفذ رجف
قلبي اللي لاهو ناعسة .. ولا أيوب
يا مين يهيل ..
.. فوقه التراب والسعف

..
- يا مشنقه يا حرير أنا صفار ..
- ولو

- عطشان لندعة حب ..

.. عطشان اذو

- عطشان لشيء ..

يبريني من كل سوء

يا مقصص الجناحات أيا قلبي

صترخ في حبل المشنقه برعي

بوس الحبال ..

.. يمكن في يوم نعتقك

فكترها بالناعسة اللي ما ناعسة

يا ميت ندامة ..

.. المشنقه كابسه

طبقت على تخنقك

اسمعها بتقول .. الكلام طوِّفَكَ
 المشنقه بتقول على ناعسه
 مانت بلا عود مشنقه ولا حبل
 اتبسّمت للدوت عصام يا بسه
 والدود ماقرّب فرجها اللي مازل
 ياميت ندامة يا قلبي يا حسرتك
 المشنقه أمك أبوك خلفتك
 المشنقه صاحبك
 يا اللي انت لا ناعسه
 ولا أيوب
 المشنقه لافتك عليك .. لفتك
 يامين يبيع الوردع الميتين
 يا مين يبيع الوردع الميتين
 يا مين . . يبيع .

- أبريل ١٩٦٣

القمة — ر

أمرك غريب يا مصر ..
.. قرك غريب
كأنه عين عورا
كأنه بز من الرخام والحليب
حلماته - يا حلماته ! - مكسوره
كأنه ميت غسّـلوه بالتلج
زيينه زرقا ..
.. فوق حواجب حاج
ما تأخذ نيش يا مصر .. قرك غريب
ما هوش قمر صيادين
وانا من بلاد الصيادين ابن بحر
ومش قمر فلاحين
وانا عشت في بلادهم ميتين ألف شهر
ومش قمر . .
.. يمكن يكون قرش صاغ
ماسح من الوشين

أنا من بلدنا والقمر .. صاحبي

ياما وياما قلبي غنى له

مديت له رمشي ..

.. مد لي حباله

كانت مرا كبي تلحسه تحبي

تحبي وتجري .. وقلعي يعلا له

كان قلبي لابيض في السما هو ..

وكنيت صاحبه ..

.. وناسه وعياله

وكان يسر سب في العروق جوه

أغنى مواله

كانت بلادنا أيامها بنت بنوت

بتحب كل الامهات والعيال

وتحب رقص الشاب بالنبتوت

وتحب نسمة تهز طرف الشال

وتحب تبني البيوت

وتحب ورق الثوت

ونحب تدنى لكل إنسان ابن
 لـكن .. دى بنت بنوت
 يوم فرحها كان القمر بيئن
 كان الجهاز ..
 .. فختار وصندوق بقفل
 وركبوها حوان
 ما حد فاكر كان جمل أو حصان
 كل اللي نفتسكروه صريخ القمر
 علشان قلوب شبان
 كانت فى إيد لـحزان . زان ينهصر
 كمثل رقبة طير فى إيد سجان
 شبان وحبوا ..
 .. وكرهوا العريس
 واتلجموا صابرين وسايسوا الحصان
 ومشىوا حافيين فوق تراب الحزن
 اتشندلوا فى الحفر
 وكان ياميت حسرة القمر بيئن
 كل اللي نفتسكروه صريخ القمر
 كل اللي نفتسكروه صريخ القمر
 * * *


والفلاحين
 أنا عشت في بلادهم . .
 .. ميتين ألف شهر
 كان القمر أولها طاقة حنين
 وآخرها كرباج بقهر
 .. وكنت غيظ ينعس في حضن القمر
 وكنت جرن يبتلأ كهر مان
 كان القمر رمان في صدر السما . .
 يفرطوه الخلق ع المصطبة
 مبرايه متنغمه
 ع المصطبة مرحب .. وميت مرحبا
 حط القمر . .
 . . جنب الخلايق حبا
 حكى حكاية عن بنييه وولد
 - (البت فاطمة بنت عبد العزيز
 حبت . . ونخت حبا في الحبا
 وادم الولاد العسكر الانجليز
 ملا عقلها بالكلام
 وبعطنها بالحرام

دلقت حرامها جنب دار الأمير
 - كانت مرات البرنس
 . . بنية زى القمر
 - زى الحواديت تمام
 - و بطنها البور ما عرفتش الشجر
 - زى الحواديت تمام
 شب الحرام ع السرير
 وقتطوه بالحرير
 وصلنى خبره لما جيت لك يا مصر
 سياج وكر باج شوك . .
 . . وجوزة بخشيش
 بينوم الجدعان فى عز العصر
 ويحبّل أمه . وأمه ما بتخشيش
 كام مره حبّلها . .
 . . ما نعرفش كام
 كل اللى عارفينه صريخ القمر
 كل اللى عارفينه صريخ القمر
 . . .

قرك يامصر غريب
 ماهش قر صيادين
 ولا قر فلاحين
 ومش قر
 يمكن يكون دلالة . .
 . . موسى ياليل ١١
 موسى ياليل مصر الحزين الحزين
 ندفع لدلالة القمر نعتلى
 المومس . . الليل . . الشجى المبتلى
 نهيش فى نكد النيل . .
 . . بعين سفاحين
 لو كان معانا بس حق الطلوع . .
 للبرج ١١ كننا بُسنا خد القمر
 قرك يامصر غريب كأنه الدموع
 كأنه ساغ ماسح . . كأنه حُفر

مايو ١٩٦٣

السفر



أدبكموا ١٩١ لآح ادبج كفأيه الوتر
أبو الألم والنغم
أدبكموا ١٩١ لآ دأتم كتار يا عجر
كتار بعد الموج . . وأد الهرم

وانا قَلِيلٌ أَذِّنُ القَلَمَ
 ونحيف كَأَنِّي نَحِيبٌ ..
 .. كَأَنِّي ربيع ومليان شجر ..
 كَأَنِّي شفة هلال
 ياميت ندامه .. والهلال انتحر
 رمى نفسه فوق الصخر أبو الناب .. وقال:
 « مات الهلال من قبل ما يصير قر »
 وداع يا كلمة حب قالها الرباب
 ويا كلمة لسه القلب ما غناهاش
 وداع يا رعاش بالكلام والصور
 يا معنى في بحور العذاب عنى غاب
 ويا باب .. يا أصحاب .. يا قلم يا ورق
 وداع يا مركب غاب في جوف الضباب
 ما اقصى وداع لاحباب ..
 .. وما اقصى الفرق

... .

حماة البنيّة صابها الخرس
روحى المغنوا تيه
قدم جيان داسها جناحها انهرس
ماتت غناوى فرحة البنيّة
لا المسلمين صلوا على قبرها
ولا النصارى صلوا بالجرس ..
ولا حوسطت على جسمها المنهوك
.. بنادق حرس
يا ويل بلد بيضيّع المقتولين
ويلكم .. وبصوا ..
.. دى فوق كفكم ۱۱۱
ح يزفكم بالدم متجرسين
دى غناوى حرا .. خنجر .. بكا
وأنة الريح لجلي .. بنافكم
يا ويل بلد .. ريحه أنين القمر

من قبل ليلة النشء ضاع وِ افكم
ضاع الهلال .. انتحر
وداع يا كل الغنا
وداع يا ناس مطرح قلوبهم حجر

حل القلوع يا ريس البحرين
حلوة عيونك زاد يكفيننا
حلوة رموشك زى شر اشيب شال
زى الجناح لو شال .. وحط .. وشال
اطلقنا ويا الريح ورسينا
رسينا على بر البقسامة العيال
رسينا ياريس غناوينا
على بر غناوينا
سيب البلد دى ..
.. ناسها ناس شبعانين
وشبعوا بقله حبههم للغنا
دكا كين .. وقفاطين يضحكوا بالاعنا

- ده عهد مين ياريس البحرين

وعهد زب الكعجه ..

.. دول ما بي فهموا الاشعار

وبيفتحوا الراديو ويتصننوا

ما يميزوا المزاويك من الاخبار

سيبك يا شيخ

دنا جبت من بلدى كلام المحار

ومن قنا الفخار

وجبت ملح رشيد .. نسيم بورسعيد

جبت اللي جبت .. من قريب أو بعيد

جبت الكافور والحب ، والجهان

ويا جسر يا مقطوع ومين يوصلك !

وساع عيونهم ..

.. لئما هميان -

وقلبهم حصالة مفتاحها ضاع

وبيعرقوا الشغالة في الحصالة

غريب يا قلبي . . يا غريب يا نا
 بلدى بعيدة . . قريب أنا منها
 بلدى الغناوى فيها . . رمانة
 اسكل ولفين حب رمانها
 وهناك صحاب . . ما عرفش أسامهم
 هنا صحاب بالاسم . . ما عرفتهمش
 مديت إيدىن شاربخ ولا طلمتمش
 هنا الوشوش الصمغ بتلفنى
 والصمغ موجه حويط . .
 . . قراره غويط
 يا ويل بيمضيع المقتولين . .
 يا ويل بلد بتغنى فيه وطاويط . .

يونيه ١٩٦٣

الشعر

الشعر . . ضحكك من بكاء
يا ريح . . يا برق . . يا مطر
أحنا هنا . . بنغنى للباب . . للشجر
غنوتنا أعلى . . من مخدة القمر
غنوتنا وادوبنت إيد في إيد
مقبولين مبحرين
في المركب اللي رايحه جايه م الصعيد
بيرشوا حلم اليرتقال على الجفائر
بيدفنوا في الأرض بندقية الغفر
الجان في يوم نقطف زهور الحب والحديد
— يا شاعر املا شعرنا بعمرنا
دأحنا هنا . . إحنا هنا . . هنا هنا

بشغنى للباب المصدى قفله ..
.. لجل ينفتح
للشجر العريان فى ضللة الشتاء
للبرق غاب عن أوانه .. لليلح
سباطه هميا ميته
غنى لنا يا شاعر .. لنا .. لو فى الحفر
دا الشعر ضحكه من بكاء
يا ربح يا برق يا مطر

مايو ١٩٦٣

الشهيد عبد المنعم سند



كان ماسكاً ببندقية
 وف خدته ابتهامه
 وف كل عين حمامه
 وخطوته الصبيه
 بتدب ع الجبل
 وضحكته العفيه
 بتضل ع اليمن
 عبيد المنعم سند
 طالع زى الاسد
 خد بالك يا زمن
 خد بالك يا يمن
 ابنتك جاي من بعيد
 سيف بن ذى يزن

جاي لك م المطريه
 بالعيد من بور سعيد
 وحمام من الصعيد
 جاي يطلق الحمام
 من بندقيته
 خد بالك يا سلام
 ابنك فوق الجبل
 خد بالك يا أمل
 ابنك طالع افوق
 لفوق لفوق أرى
 أعلى من كل شوق
 والريح يتلوى

سدد طالع لفوق
فوق دائرة الأجل
خذ بالك يا يمن
ابنك بيتقتل
ومش لاقى السكفن
ما الحفش يدوس حبيبته
ولا يخطب خطيبه
ولا يقابل صحاب
لكن ودمه سايل
ييسر سب ع الجبال

ويصبغ السحاب
حذف عينه الشمال
للعالم الوسيع
وصلى بابتها
للسلم والربيع
والناس . . وللبيوت
وبص للى خانه
قال له . . (لجللك باموت)
ونجم من السما
فى اليمن الجديد
صلى له . . واترمى
يوس دم الشهيد .

مايو ١٩٦٣

ثلاث أغنيات للشعب

(١)

ملعون . . يا كلّ الشعر
لو تنفهم بالخلف بين لاخوان
ملعون لو انت ما كمنت نور بالليل
وبالنهار ضليله للجدةعان
ملعون لو انت ما كمنت . .
. . لمعة فاس ولاسة راس
ولو نسيت طرق الزنود الزان . .
. . على السندان
ملعون أنا لما احلب الكلمة
من ضحكة النجمة
وانسى أغنى لضحكة الإنسان
ح أقول كلامي بسيط . .
. . كأنه صباح
وغويط . .
. . كأنه نسكه الحزنان
وغميق كأنه نظرة الفلاح
للقه في الأجران

(٢)

عند الهرم
سيماح مع الترجمان
الترجمان فيقول . . يتنهّـدوا
(ومن هنا فرعون
كان موكبه يطلع على معبده)
قال الهرم في السكون
لو كنت فرعون شعب كنت أعبد
. . وعند باب النصر . . باب الفتوح
— مين فاتح الباب للأمير والوزير
سألت مدنه عجوزة . .
. . وسألت بير
وسرجة في الحارة ، وقرع السطوح
لم ردوا . . لكن في السكون الضير
عرفت مين فاتح بيدان الفتوح
وعرفت كيف الفل في الريف يروح
وكيف سطوحنا بتعلا . . زى المدن
وعرفت أول مرة أنطق : (يا شعب)
يا شعب يا مصباح علاء في الخزن

(٣)

مباركة يا سنبلة مسنبلة
بركة ليدن الشغالين فيكي
مباركة يا أرض يا محروته .. يا منجله ..
.. يا ساقية .. يا شواذيف
مباركين باللي قرم رغيف
مبارك الفاس
في يوم ما شق الأرض
ويوم ما شق صدور عداه لانجاس
مباركة يا بهوت ويا دنشواي
مبارك الشعب
الشعب ذاته أبو البكا في الناي
ما يذله سيف ، ولا بندقية بكمب
مبارك الشعب الكبير الصعب
اللي في عروقه النيل
وخطوته المحاربت
وصدوره فدادين غله وحديد ونيل
وزنوده إماما في الجبل بتشيل
فوسفات على كبريت
ولما بتسبب في شعر السد
مباركة الطرق السكباري .. الطفل
مبارك الباب اللي من غير قفل .

مايو ١٩٦٢


العمارة . . والغنا

نصبوا العمارة قول عشر تدوار

وطوبه حنتوها بدما فاعل

وطوبه رشوها بندي النوار

. . .



ملوا القهاوى والرداوى كلام
 دبح الجدع صاحبه بسنّ الجنيه
 شتمته فى سرى ورمى له السلام
 سلم عليا الواد وغسل ليديه
 البت سقّطت فوق سرير أمها
 سكروا بهر البت ولا زفوهاش

* * *

عملوا ده واكثر . . والعجيبه بقى
 لا الطير فى حلق الرّيح يبطّل غنا
 ولا اللّى فوق سقالات متشققة
 يبطلوا الرقزقة

١١-١٢-١٩٦٣

المطر

أنا . . لا شجرة توت ، ولا سسبان
إنسان أنا ومليان غنا . . م العنا
وماشي تحتك يا مطر . . عريان
دردب في جرح الملح فوق صرقي
ودوب الملحايات
سرسب في هوّ عروقي يا فيضان
من لمتي جفّت غنوقي في شفقي ١٩
دردب وسرسب وانتظر يا مطر
يا صوابع العواد ، عودك أنا
يا ما انضني لسن ما حمرة انخفي
يا ما حلم بخضر جنب الشجر
دردب وسرسب وانتظر يا مطر

الأرض من تحتي نديه نداؤه
الميه تنشع طعمها في جدوري
حافي القدم يا نا يا ألف براوه
وجدوري تغرش في الغيطان وتفور


أنا باغني والمطر ميت وتر
يا هلمتري عواد أنا ولا عود
ويا صبيب الميه فيك الخطر
لبن الرعود
ولا انت فيك بلّة لسان الشجر
وفيك لقلبي لا خضرار والوعود
مهما يكون .. ولا كان
أنا ماشي تحتك يا مطر عريان

الشمس طلعت جسمی أخضر زرعی
دی ندیقی .. شعری زهر سماوی
یا حبیبی طلی واقطنی وردایه
قلبی قفص مفتوح ! فی شباک ضلعی
وحبیبی عصفوره بدموغ و غناری
والتوت مغطینی بمیت ورقابه

السيرة

ده .. نجم مطفي بيترى م السما ..
ودا قبر فيه جدى زمان اترى
ردى حبيبى .. وانا با ودعها
باحلم ببنت بنوت
باحلم بورقة توت .. أمزّعها
واتلف فى شال البنية ..
.. وارفعّص الثبوت
ويكون ورانا قر .. لكين مصرى
مصرى ابن نكته وذوق .. يتدارى
يتدارى ويصير الحلاقصرى
لجان يدوب المالح فى عروق
واسهر سهر سكران وانام فرحان
ودراعى فوقه سحرمة ، وفوقى
مندبل ونجمه معلقه ف قندبل

وساقيه جلابه وقتلابه
 وع القنا طنبور يدور ويشيل
 م الواطى للعالى
 م العالى للواطى
 يشيل ويملا لى
 أحس سمكه ملونه ف باطى
 أمد لابنى دراع كئانه شراع
 يمد طرف بنانه من شوقه
 ليه دا اللى انا فوقه ..
 ده قبر فيه جدى زمان اترى
 باحلم بينت بنوت
 ده نجم مطفى بىترى م السما
 باحلم بورقة توت



أربع قصائد من نجيب محفوظ

١ — الغريب :

غطوا القتل بحرايد الصبحيه
وزغرطت على وشهم نكشيره
فرشوا الشوارع زفت وفوا عليه
زرعوا الصيوان سجاد عجم تفاريحي
وصدقوني

داروا بالشرابات عشر مرات
لكن بفناجين قهوه .. لجل الحق ا
وبلدنا في سريرها الحديد عيانه
من بعد رجعتهم من الجبانه

وصدقوني
 تنعصر من دمعها الملايات
 والكلاب يعوى والمسا ينشق
 وينزوع ليلنا بكلاب تعوى
 له وحشه فى عروقي القمر والله
 والشجم من برجه الهنى يعوى
 — مين اللى مات يا ام العميون دمعات
 — جوزى انقتل ...
 — من غير صريخ يا ام الصريخ ملوى
 — جوزى انقتل يا غريب
 — أنا مش غريب
 — (يا ألف رحمه عليه سعيد مهران
 كان كل ليله يلنى يقول لى :
 يا نور يا نورا كنا غربا
 يا ألف رحمه عليك يا خلى)
 يا ألف رحمه علينا فى الغربه

٢ - يوم ما انقتل لادم :

كان القمر ع الغيمه تاكى عينيه
ساعة ما كانوا بيقفلوا جفنيه
والشمس رفعت كها الغيمان على جبينها
غطت عيون غيانه .. ودراعه
سايل من الثقالة متدلى
كانت إيتاي ع الزند مكتوبه
صبحت إيتاي في الوشم مقلوبه
بكل ناسها راسها مقلوبه
بكل عباد شمسها .. بالغلة .. بالياسمين
بالتين على الحمايل ، وباللبلاب
بالوشم ع السما مين
والورد كانت دمتات على الإعتاب
كانت إيتاي كلّيتها مكفيه على جبينها

يوم ما انقتل لادهم .. حنينا
 أما الى قاتلينه
 ماسيلوش عينهم ومما يبقفلوا عنيه ا
 ما رجفش دم ف عرق في بدنهم ا
 ودراعهم النقاله متدل
 وقفلوا ودانهم
 ساعة بهيه ماصرتخت بعروقها : (ياخلى
 باللى كايدت العدو وين وانا داخل لى
 تارك ح ياخذك لك سعيد مهران
 يا عريسى يا أدم يا ولف ياسين)
 دورى ياربع وانتهدى لاحزان
 وابكى على الوشم اللى ع السماين
 يا ألف رحمه عليه سعيد مهران

٣ - السمان والخريف :

بلدنا أهيه يا ولاد .. بلدنا أهيه
على البحيره عجوزه وموطيه
اياكو ترموا الطوب عليها .. اياكو
مين يرحمك يا بلدنا م المطاطيه
دى بنت أصل ، وكان أبوها أفندى
عنده مراكب ياما .. ومراكبيه
وكان لها بستان يوماتى بيطرح
الوفات من الوائفات .. حمامات غيه
وكان لها فى البحر بستان .. تانى
سمكه ورود ، جنبته جناينه
ونتملك ع الموج قصور عوامه
فوق من ميتين أو تلتमित ذهبيه
وييجوها زوارها - يوماتى - أكابر
يتلموا - زى الغنوه - ع الطليليه

عاقله وكامله وعابقسه ياما رأيتهما
 تفسل شعورها في القمر والميه
 لسن أهيه يا ولاد .. بلدنا أهيه
 على البحيره عجوزه وموطيه
 حط الخريف على كتفها نخت به
 بلت شيتها .. بلت الجلايه
 يا بلدنا يا ام الحب .. يا ام عيالي
 ماشي ف شوارعك خطوطى موالى -
 بصيت على ترابك لمحت خيالى
 مرعوش عليه كي .. ونظرته منديه
 وبيوت بلا قناديل غنا مسروجه
 وعيال ماعرفوش لاتبسام والنوجه
 وطواقى شبان .. بس مش معوجه
 وصبايا ماشبعوش من الملاغيه

يا بلدنا يا ليله خريفيه .. ربيعيه
 يا بحيره ساجده ف ضل كام مدنه
 يا هلتري عارفانا يا بلدنا ١٩
 — ما اعرفش غير القلع ابو الرجفات والميه
 يا بلدنا يا ام الليل ابو الضله وابو الحواديت
 يا لارث أجدادنا لأولادنا
 يا هلتري عارفانا يا بلدنا
 — ما اعرفش غير المدره والاحبال والثبايت
 يا بلدنا يا ام مراكب العشاق والاحزان
 يا لايد وما بتدنا زوادنا
 يا هلتري عارفانا يا بلدنا ١٩
 — ما اعرفش غير نصب الشبك .. لجلن أصيد سمان
 قومي انصبي بعرض الشوارع شبكك
 ولما بايديكي المعجوزه ف سمكك
 واديه لمين شبكك
 قومي انصبي بطول البلد دكان

ولى فيه البلى والسمان
 واتجوزى الوزان
 واياكى ترضى بعشرة الصياد ١١
 حسبك يا شيخه تمونيه بالزاد ١١
 يا بلدنا يا ام المر للأولاد
 ومنين غزلى الغزل للسمان ؟
 يمكن يكون من شعر جنيته ١
 يمكن يكون من شية الولدان ١
 ما يهنئش ..

لكن عيون دى الشبكه
 فى كل عين .. ميت عين الخمين مخبر
 طمعانه فى السمانه والسمكه
 ميت عين بتلمع لمعة الترت
 وباعينى ع السمان
 يا بلدنا يا ام البلى بالاحزان

٤ — سجن الزناتى خليفه :

يا حلوتى . .

. . مش ح اندب - الندب عيبه -

أقطع حبال صوتى . . ولا ابكى ولا اندب

فى بطن إيدى شعر . . فى الشعر شيبه

ح احكى حكايه . .

. . وحق شيبتى ما با كذب

وحق شيبتى ف صبا يا

وحكايتى حاجه غير حكايا الولا يا

حكايتى عن سجن الزناتى خليفه

والا بتسامه نجمه والليل قطيفه ١١

الابتسامه (عزيزه) والحد (يونس)

(مرعى ويحيى) فى ليل مالوش ابتسامه

(مرعى ويحيى) حزانى فى سجن تونس

فى سجن . . يا لله السلامه ١

قضاياه ١٢

شفتات عساكر غليظه ١١


(مرعى ويحيى) ف جنب (يونس) فى جنب

والسجن ضيق والغناوى عريضة
 (أبو زيد) بعيد اسكن فى نبض القلب
 (مرعى ويحيى) فى جنب (يونس) فى جنب
 (يونس عزيزه) ضل دايب فى بهضه
 (يونس) خطاه فى السحاب . . .
 (أبو زيد) خطاويه فى أرضه
 فرسه يدوس الرمله والريح تعضه
 و (أبو زيد) حنش أسمر
 عود خيزران بيلب
 يبتلى فوق الفرس ويشب
 دوامه راسها العاليه تتدحدر
 وبهذهما بتقب
 وكلها كام ليله عمر (أبو زيد) ما يتأخر
 يقولها (مرعى ليحيى) غنيوه
 وينعموا فى (أبو زيد)
 ويصبحوا فى (أبو زيد)
 وقلوبهم لون الشفايف أم أحب جديد
 وردة فى صدر (أبو زيد)

يناير ١٩٦٣

كلمة الشعب

أد إليه باحلم أشوف الكلمة جاية
من عروق الشعب .. من درب سعادته
من مواويل النخيل جنب القنايه
من بكا النيل فى السواقى
لابسه أحلاها طواقى
لابسه عفريته صنايعى معجبانى
سابقه محرات كهر باي
أد إليه باحلم أشوف الكلمة جايه
جاييه من أصوان دهبها الأسمرانى
وتعجبها الأسمرانى
جاييه م الفيوم عنفها السكرانى



من رشيد الملح .. م التوبه تراها
 من دموع فرح بلدنا ف بورسعيد
 جايه الاغانى
 آه يا كلة شعبنا ف صدر الجرايد لعلهم
 اطلعى من ضلعنا واتفرعى
 معجبانيه وشقيانه وعفيه
 لا انتى حرايه ولا بوشين ولا بنت زوانى
 واحنا ماشين ناحية الشمس اللى بتقرب علينا
 لاصبحى سكه بشجرها الاخضرانى


أدليه باحلم اشوف باب الجرايد ينفتح
 والسنا بل داخله شايله فلاحينها
 والمصانع ليدها فى ايدين شغاليها
 افتحوا الباب ...
 ... للصنايعيه الفولاذ والفلاحين
 افتحوا الباب واسمعوا
 شعبنا دلوقت ح يقول كلمته ..
 .. كلمة يا ايدين
 شعبنا .. ما أجده ١١

غنوة للسلام

الحنّة من جماوة . . البخور من زنجبار
أبنوس جهازنا من السودان
المسك والعنبر من الصومال
العاج من الهند ، السفنج من اليونان
من كسوة السكبة العقال
من فارس البساط
يلبنا غطانا اتنين بساط
حوالينا ليل قطب الشمال
الشمع من قطب الجنوب

في الفجر يطلعون العيال
يشخبطوا على الحيطان قلوب
يشخبطوا ، أسد ، . .
.. وفوق كتافه قربتين
باحلم يا حلوة في بلاد ..
الشمس والبحور .. البدر والبحور
سريرنا ضيق آه ..
لسكين قلبك وسيع
لمينى في ضغاييرك لاضيع
امتى نصب مية الحوم .

يوليه ١٩٦٣




الموت فى عز الفجر

فى الليل إذا ضلّم
الفجر يصبح شعر
والشعر مدنه وكل شاعر د بلال ،
الشعر مدنه لسكين بلا سلم
وأنا بلال نفسى اعتليك يا الهلال
وأصلى وأسلم
عشان بلدنا أم الفسا والرجال
الأمهات والعيال
تقوم وتملا الزلعة م الترة
يا مية النيل الزلال الحلال
وتحس الماشية عشان ترعى
وتضم فى الزرعة
وتلم فى الصومعة
وتلحن القمر الهجين والغلال
وتبل قيعها وغيظها م الزلعة

وتصفّر الموال ضفاير طوال
يا ضفيرة كحل معنبرة وطالعة . .
. . م النورج الدّراس لراس الهلال
يا ضفيرة الموال
لأنتى علاهى أنا يا متعلم
دانا بلال
والشعر مدنة لسكين بلا سلم
. . .

لمبارح المغرب
كننا على المدنة خمس بلالات
الحرف على طرف الشفف دردب
أنا حرفى على طراطيف شفايفى سكات
كننا خمس بلالات . . خمس نجمات
كان الأدان فيروز على فضة



الوز لاخضر فى القنا اتوضى
وصلى للمغرب ثلاث ركعات :
« يا شمس غيبى فى الضلام والطلّ
لعتى فى شببتك واغطى فى التلّ
دا افلح السور المشوك طلّ »
واحننا على المدينة خمس بلالات
لاف إيدنا سيف ولا فاس ولا محرات
أدنا ونزلنا عددنا قلّ
نزانام المدينة أربعة بلالات
أقدم مؤذن مات
تبارك الحرّات
لاح نبكى ولا ح نقول دا كان ولا كان
ولا مين ح يقعد بعده فى الدكان
ولا مين لـكم يا بنات
دا ما فات وراه . . لا عيَّله ولا لمن



مع إنه كان في دنية الحريمات
 مية وفوقها تبين
 لا عملنا فيه كاني ولا ماني
 وقبل ما يموت قال لنا حكايات
 وضحك في وشنا ضحكة سلطاني
 حكايته له صاحبة في وداني :
 « بالكم يا إخوان .. الغيلان طيبين
 بياكلوا بالشوكة وبالسكين
 بيتدوا الأكله بإسم الله
 وبعد حمد الله
 مايمسحوش في جيب ولا ف قفططين »
 وضحك في وشنا ضحكة سلطاني
 زاني بقدمه مسك في قفططاني
 مسكت نفسي وقع وتختلاني

وخلي سبعة قلبي تنبجتر
 من بعد ما كان جنبي بيكر كر
 نزل السلام كر
 (أولها مرة الملح السلام)
 الدور ورا الثاني
 ميت ألف دور واكثر
 (للملح يا قلبي السلام .. اتعلم)
 يا سلم المدينة أيا مدور
 يا شبه تعبان للسماء مطوط بيدور
 آخره مسيرك فين ؟ وفين الأرض ؟
 نزل المؤذن كر متكور
 كأنه خائف إيه .. يفوته الفرض ١١
 نجري ما نجري .. هو قدامنا
 أقدم مؤذن فينا وإمامنا
 لقيناه في آخر سلة انكروم
 (على قبره يا ديب الفلاحو)

أصغر مؤذن مننا ميّـل
وقال له : « كمّـل قصة الغول . . قول »
ضحك الى بيموت ضحكة ترعب غول
قال : « غدوة الغول عيـلة وعيـل »
قلنا بصوت واحد : « وده قليـل ا »
ضحك اللى مات ضحكة حزينه حزن اا
ضحك ومات

تبارك الحرات . وده أمره
ما فات وراءه واد يبكى على قبره
مات وانقص عمره
ولا شمانة فى مقام الموت
(لـكن بقى الجيز وشجر التوت
ضحكوا وضحك الواد فى بطن أمه
واصغر مؤذن فينا كان مبسوط
ضحك وخي ضحكته فكه
حتى المصلين لم اهتموا

والوز لاخضر ع القنصا صلى
صلى عشر ركعات اشكر الله
وصلت الغله

الدنيا صبحت زاوية ومصلى
والعمل ع السور المشوك طل
والشمس غابت فى الضلام والطل
وطلعننا م المدة اربعة بلالات
ماقتيناش لسكن عددنا قل
تبارك الحرات ١١ »

» * *

ساعة العشا كنا اربعة بلالات
أدبنا ونزلنا اربعة بلالات
ما حد منا مات
بعد العشا بحبة
قاعدين بلا قفطان ولا حبة
صفصف علينا الجامع الجامع
فوق مننا القبة



وكفة القول في الميزان طابته
قلبنا في الحاضرة وفي الغايه
حكينا في الشابة وفي الشايمة
ما قلنا كلمة غير وهي طايه
والليل وبحر القول خلا واسع
وربنا سامع
ضحكنا للحلوة وللخايمة
ضحكنا حتى لما يا ولداه
مات وسطنا الرابع
لما قضاه وافاه
ضحكنا لسكن ضحككم بمواجه
رابعنا ده أحسن مؤذن كان
أحسن مؤذن للعشا أهو راح ومش راجع
كان صوته يرمح في الرياح رهوان
رهوان يعدى ف غمضة ألف ميدان



كان في زمانه مخاوى نداءه
 من ضهره حبلت خلفت صبيان
 خيرة ولاد الجان
 خيرة بنى الإنسان
 لم عين رأت في جمار وفي نباهة
 الأم ملكة من ملوك الجان نداءه
 والاب شارب منها كار الأدان
 بلبل بحلو أدانه يتباهى
 لسكرته عاود خان
 من كام سنة عاصى ولم زارها
 على شبابها الزينة حسرها
 صبحت ترضع غل للغلمان
 واللى بيخسر ، نفسه يخسرها
 صبحت تسكر الكثرة لصغارها :
 « يا ابني أبوك خوان »
 (في نفسى رضة أمى مين يقدر يغيرها)
 « يا ابني أبوك خوان »
 صاحبنا كان في وسطنا رابع

في غمضة العين ما كان
 ضحكنا لكن ضحكة بمواقع
 آخر كلامه له في لودان
 آخره كلامه أهو .. أهو .. سامع ؟
 — السم . . انا عطشان
 مين أمك لم تخونه وان تكون خوان
 يا ما نفسي أعود مولود أعود أحبي
 يا ما نفسي أخالف ولد يفرح بي
 قر بنا منه صدره فيه خنجر
 (الجته ما تخلف خلاف ديدان)
 لسانه مثل الغيط وهو مجفـر
 بصينا حوالينا
 ما حد غيرنا وخنجره في صدره
 أنفاسه مثل طيور بهاجروا
 بيغادروا من غدره
 في عيوننا طلينا
 في نبي عينه صورة اولاده

ما حد منهم يوم يزور قبره
 ينقل عضامه لناسه في بلاده
 ولا شمانه في مقام الموت
 (اسكن بقى الجيز وشجر التوت
 ضحكوا وضحك الواد في حجر امه
 واصغر مؤذن فينا كان مبسوط
 ضحك ونحيب ضحكته في كفه
 والقوم في عز النوم لم اهتموا
 والوز لاخضر ع القنا صلي
 صلي عشر ركعات لشكر الله
 وصلمت العلة
 الدنيا صبحت زاوية ومصلي
 والبدر فوق التل
 وطلعنا م الجامع ثلاث بلالات
 ما قلينا ش اسكن عددنا قل
 تبارك الحرات)

...

احنا ثلاث بلالات . . . تلاته اخوات

لمحننا اللى باقين م الخس بلالات
 قاعدين على الساقية
 بتغنى ع اللى فات وع اللى جاي
 الدنيا يا رفاة ماهش باقية
 الدنيا حية لم تخاوى حى
 لا ضلام يدوم ولا ضى
 ولا مستوى ولا نى
 قواديس بتعلا وتبدل وتدور
 تخلى حى يموت
 وتخلى ميت حى
 واهو كل شىء بالدور
 البهضة والسكتة كوت
 دار الكلام والشاى
 وحكيما عن كل شىء
 أ كبر ما فينا كان مرا كبي زمان
 المركب .. الموج .. الليالى .. السّتر
 وف حموة الشبان
 حبتل مراته وقام يصلى الوتر

رجع لقاها مخلقة بكريه
 ريحة صريخ البكري حنه وعتر
 الله يخلى العتر ويخليه
 دالام يا با خلاص
 غرقت في دم الخلاص
 ما عرف صاحبتنا يصلي ليه ولا ليه ؟ !
 يصلي كام ركعة شكر ؟ !
 ولا يصلي ع اللى عزت عليه ؟ !
 الواد بريحة برتقان كهر شكر
 والام مانت . . بكرج الشاي يدور
 والفجر قرب فوق جناح الطيور
 يا لابنا يا اخواني ح ندن خلاص
 دالليل تقيل . . وسماه يا ولداه رصاص !
 يا الانسيرم الساقية للمدنة
 ونجيب صباح العمل لبلدنا
 ونصحي في الفلاحة والبلاص

. . .

م الساقية المبدنة ح نتمشى
 مشور يا مشور عتر في الممشى
 واحنا نلات بلالات وفجرنا جاي
 بس القمر فوقنا بعين عمشا
 والريح بتتلوى لى
 م الفرحة ولا من الهوا الرعشة ١٢
 ولا من الوحشة ١٢
 أنا قلبى مقبوض آه يا قلبى أى ١١
 داحنا نلاته اخوات مازينا زى
 الدم فى عروقنا ماهواش مى
 طب ليه ياروحى مكرهشة وكامشة ١٢
 لو ديب من الفلا جاي
 ح نساخه وهو حى
 نتغدى بيه قبان مايتعشى
 لو ضبيع برضك أمره يتدبر
 لسكن ده ليه ؟ يا حظنا الاغبر ١

ده أتنخنا الاكبر
 حامى وماسك فى اليمين خنجر
 وده أتنخنا الاصغر
 حامى وماسك فى الشمال خنجر
 والحية ع العشب الطرى الاخضر
 تنلوى تمجر جر :
 و مين اللى ح بأذن أدا الفجر ١٩
 مين اللى ياخذ الأجر ١٩ ،
 يا قلبى يا مروجوع
 شوف خنجر البين ع الضلوع مرفوع
 يا أرض يا نناية
 ح تقلى الآية ١٩

بدل ما نصحى نقتل في الفجر؟^١
 يا قمر يا نيكل يا بو عين عميا
 وذك تشوف الدمع المية؟
 يا حية يا جارية
 وذك تسفسي في الدما النتية
 يا فجر يا الى جاي بقتل الاخ
 حاسب تدوس الفخ
 يا قلبي صرخ أخ
 الصرخة في جدور العصب غايه
 كأنها عصفورة على كلمة تقوم طايه
 أهي واقفه تستنظر
 الصرخة اهي بتستنظر الخنجر

أنا مش بنهض ضمير ونهض لسان
 أنا مش عويل وجبان
 يا قاضى قرّب من ورا السسبان
 دالفجر هلّ وبان
 ما اقبلش يمشى الفجر على دى
 يا عشب طاطى لجنبه القاضى
 باللى يقوله ، قلبنا راضى
 ولا اشوفش دم اخوانى على كى
 — إسأل .. أنا شاهد ..
 أحسن ما اكون على قبرهم شاهد
 الوز لا خضرع القنا صلى
 صلى ودعا الله

الدنيا صيحت كلها مصلى
 القاضى لاخضر قال :
 « دى بلدنا بنت حلال
 يلزم لفجريتها ألف بلال
 عاشان تقوّم م النوم
 تقوم وتملا الزلعة م الترة
 وتحش للباشية عاشان ترعى
 وتضم فى الزرة
 وتلم فى الصومة
 وتطحن القهر الهجين والغلال
 وتبل قيضها وغيطها م الزلة
 وتضمّر الموال ضفاير طوال »

أكتوبر ١٩٦٤

فہرس

القصيدة	١٧	ابن بحر
	٢٤	ابن العصفور
	٣٢	فيروز
	٣٦	حبة سمك
	٤٠	صياد وجنية
	٤٧	جبال المماطيس
	٥٧	الوصية
	٥٨	غنا
	٥٩	في الحزنة
	٧١	المشقة
	٧٩	الفدر
	٨٥	السفر
	٩١	الشعر
	٩٣	عبد المنعم سنف
	٩٨	ثلاث أغنيات للشعب
	١٠١	المارة والغنا
	١٠٤	المطر
	١٠٧	الساقية
	١١٠	أربع قصائد من نحيب محفوظ
	١٢٠	كلمة الشعب
	١٢٣	غنوة للسلام
	١٢٦	الموت في عز العجز

مكتبة
٥٠١
قرية حفي



الديوان والشاعر

سيد حجاب من شعراء الطليعة القلائل الذين كتبوا
بلغة الشعب البسيطة واستطاعوا أن يخترقوا جدار
المصوت ، لينفذوا إلى جوهر الأشياء الصغيرة المتلازمة ،
المتفجرة النامية ، واستطاعوا بكل روعة استخدام لغة
الحديث اليومى لتحريك الأشواق إلى عالم جديد
متخطين عقبات الرموز واللغة ، حتى كأنك تس
لأول مرة .

إن الطبيعة الصامتة والحزن والكلمات تستجيب
قصائد هذا الشاعر الموهوب إلى دلالات حية ، ت
بحرارة الخلق والبركة .

عبد الوهاب البيات

القاهرة ١٩٦٦/٥/٧

sandrina



0647428

716
66s